



## KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
17 di febrüari 2014	Jhanirha Anita	<a href="mailto:jhanirha.anita@gobiernu.cw">jhanirha.anita@gobiernu.cw</a>	

### **AWE, DJALUNA 17 DI FEBRÜARI, TA KUMINSÁ KU TRABOUNAN DI MANTENSHON RIBA AMANDELWEG**

**Willemstad** – Minister Balborda huntó ku Servisio pa Obra Públiko (OW), ta informá komunidad ku trabounan di mantenshon ta kuminsá awe djaluna riba Amandelweg, bayendo direkshon di Landfill i Prizon Bon Futuro. E trabounan lo konsistí di drecha fundeshi, ‘frieze’ e kaya, pone asfalt, drecha alsera i buta marka riba e kaya (‘wegmarkering’). E trabounan aki ta plania pa dura mas o ménos 6 siman.

Den kuadro di e trabounan aki, Servisio pa Obra Públiko ta traha huntó ku Departamentu di Tráfiko di Kuerpo Polisial di Kòrsou pa desviá tráfiko. Usuarionan di e karetera ariba mensioná por hasi uso di e kaya manera e bòrchinan ta indiká.

Minister Balborda ta gradisí tur habitante i usuario di e karetera aki adelantá pa nan kompreshon i koperashon durante ehekushon di e trabounan aki. Esakinan sigur ta na benefisio di e habitantenan, usuarionan i pueblo di Kòrsou en general. Minister ta hasi un apelasion tambe na tur outomobilista pa manehá ku koutela riba e kaya aki pa asina garantisá seguridat di tur usuario i tambe di e trahadónan.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook ‘Earl W. Balborda, Minister VVRP’.